

BOSNA I HERCEGOVINA

Brčko distrikt BiH

SKUPŠTINA

BRČKO DISTRIKTA BiH



БОСНА И ХЕРЦЕГОВИНА

Брчко дистрикт БиХ

СКУПШТИНА

БРЧКО ДИСТРИКТА БиХ

Mladena Maglova 2, 76100 Brčko distrikt BiH, telefon i faks: 049/215-516

Младена Маглова 2, 76100 Брчко дистрикт БиХ, тел. и факс: 049/215-516

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), Skupština Brčko distrikta BiH na I. nastavku 49. redovne sjednice održanom 12. juna 2019. godine, usvaja

ZAKON
O IZMJENAMA I DOPUNAMA ZAKONA O POLICIJI
BRČKO DISTRIKTA BOSNE I HERCEGOVINE

Član 1

U Zakonu o Policiji Brčko distrikta Bosne i Hercegovine (Službeni glasnik Brčko distrikta BiH, brojevi: 31/09, 60/10 i 31/11), u članu 19 stavu 1 tačka e) mijenja se i glasi:

„e) Jedinica specijalne policije;

Tačka h) ovog stava mijenja se i glasi:

„h) Jedinica za administrativno-finansijske i kadrovske poslove;“.

Iza tačke h) ovog stava dodaje se nova tačka i) koja glasi:

„i) Jedinica za sprečavanje i suzbijanje terorizma i ekstremnog nasilja.“

Član 2

U članu 20 stavu 1 riječi: „prethodno odobrenje“ zamjenjuju se riječima: „prethodnu saglasnost“.

Član 3

U članu 28 stav 1 mijenja se i glasi:

„(1) Nezavisni odbor ima sedam članova koji se biraju iz reda istaknutih stručnjaka iz:

a) oblasti pravnih, društvenih i kriminalističkih nauka;

b) organizacija koje se bave zaštitom ljudskih prava ili drugih srodnih oblasti.“

Član 4

U članu 29 stavu 1 tačka a) mijenja se i glasi:

„a) ima najmanje VII. stepen stručne spreme ili prvi ciklus visokog obrazovanja i najmanje pet godina radnog iskustva:

1) u oblasti pravnih, društvenih i kriminalističkih nauka ili

2) u organizacijama koje se bave zaštitom ljudskih prava ili drugih srodnih oblasti;“.

Iza tačke a) dodaje se nova tačka b) koja glasi:

„b) nije stariji od 62 godine života;“.

Dosadašnje tačke b), c), d), e), f) i g) postaju tačke c), d), e), f), g) i h).

Nova tačka c) mijenja se i glasi:

„c) u posljednjih deset godina nije član političke stranke;“.

Član 5

U članu 38 stavu 1 tačka c) mijenja se i glasi:

„c) ima najmanje VII. stepen stručne spreme ili prvi ciklus visokog obrazovanja;“.

Tačka h) ovog stava mijenja se i glasi:

„h) za vrijeme trajanja mandata ne ispunjava uslove za penzionisanje propisane zakonom;“.

U tački i) ovog stava iza riječi: „Zakona o policijskim službenicima“ dodaju se riječi: „Brčko distrikta Bosne i Hercegovine (u daljnjem tekstu: Zakon o policijskim službenicima)“.

Član 6

U članu 39 stavu 1 tačka g) mijenja se i glasi:

„g) dostavi gradonačelniku rang-listu najuspješnijih kandidata koji zadovoljavaju kriterije izbora iz člana 43 ovog zakona (u daljnjem tekstu: rang-lista) uz obavezujuću preporuku za izbor i imenovanje prvorangiranog kandidata (u daljnjem tekstu: obavezujuća preporuka).“

Član 7

U članu 41 stav 3 mijenja se i glasi:

„(3) Konkurs sadrži:

- a) opis poslova šefa Policije ili zamjenika;
- b) uslove propisane ovim zakonom;
- c) dokumente koji se prilažu kao dokaz ispunjavanja uslova konkursa;
- d) dokumente koji se pribavljaju po službenoj dužnosti;
- e) naznaku da su kandidati obavezni priložiti dokumente kojima dokazuju ispunjavanje uslova konkursa;
- f) rok za podnošenje i način podnošenja prijava.“

Član 8

Iza člana 41 dodaje se član 41a koji glasi:

„Član 41a

(Dokazi o ispunjavanju uslova konkursa)

(1) Dokazi o ispunjavanju uslova iz člana 38 stava 1 ovog zakona su:

- a) prijava u kojoj kandidat opisuje na koji način ispunjava uslove konkursa;
- b) uvjerenje o državljanstvu, ne starije od šest mjeseci;
- c) uvjerenje o zdravstvenoj sposobnosti, ne starije od tri mjeseca;
- d) za potreban nivo obrazovanja, odnosno traženu stručnu spremu:
 - 1) diploma, a za kandidate koji su stekli diplomu po bolonjskom obrazovnom procesu i dodatak diplomi ili drugi dokument kao što je: uvjerenje, potvrda, svjedočanstvo i drugo, izdati od obrazovnih institucija u BiH;
 - 2) akt o nostrifikaciji diplome, odnosno ekvivalenciji za diplome stečene u inostranstvu;
 - 3) diploma ili drugi dokument kao što je: uvjerenje, potvrda i slično, koji su izdati od ovlaštenih obrazovnih institucija, a koji prema potvrdi nadležnog organa ne podliježu nostrifikaciji prema propisima BiH;
- e) uvjerenje, potvrda ili drugi dokument kojim se dokazuje status policijskog službenika;
- f) za radno iskustvo u traženom činu:
 - 1) uvjerenje, potvrda ili drugi dokument o dužini radnog iskustva u traženom činu, ovjereni od strane poslodavca, zajedno s ovjerenom kopijom radne knjižice;
 - 2) potvrda nadležnog penzijskog osiguranja ili drugog nadležnog organa;
- g) uvjerenje o nevođenju krivičnog postupka, ne starije od tri mjeseca;

- h) ovjerena izjava da se na njega ne odnosi odredba člana IX Ustava BiH;
 - i) uvjerenje, potvrda ili drugi dokument od poslodavca da ne ispunjava uslove za prestanak radnog odnosa radi penzionisanja;
 - j) ovjerena izjava da nije član niti je bio član političke stranke ili na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od političke stranke ili član zakonodavnog ili izvršnog tijela na bilo kojem nivou, nakon stupanja na snagu Zakona o policijskim službenicima ili odgovarajućeg zakona koji propisuje prava i obaveze policijskih službenika u policijskom organu gdje je zaposlen u vrijeme prijave na konkurs;
 - k) uvjerenje, potvrda ili drugi dokument kojim se dokazuje da nisu izrečene pravomoćne sankcije za teže povrede službene dužnosti.
- (2) Nezavisni odbor po službenoj dužnosti pribavlja uvjerenje o nekažnjavanju.
- (3) Dokaze iz stava 1 ovog člana, u originalu ili ovjerenoj kopiji, kandidat podnosi uz prijavu iz člana 41 stava 2 ovog zakona.“

Član 9

U članu 43 iza stava 5 dodaje se novi stav 6 koji glasi:

„(6) Prije nego što gradonačelniku dostavi rang-listu uz obavezujuću preporuku, Nezavisni odbor poziva sve kandidate s rang-liste da u roku od pet dana dostave dokaze kojima se potvrđuje ispunjavanje svih uslova iz konkursa, osim:

- a) uvjerenja o nekažnjavanju, koje se pribavlja po službenoj dužnosti i
- b) uvjerenja o zdravstvenoj sposobnosti koje dostavlja samo imenovani kandidat.“

Član 10

Član 44 mijenja se i glasi:

„Član 44

(Dostavljanje rang-liste uz obavezujuću preporuku)

Nezavisni odbor dostavlja gradonačelniku rang-listu uz obavezujuću preporuku iz člana 39 stava 1 tačke g) ovog zakona u roku od 15 dana od dana završetka intervjua.“

Član 11

Član 46 mijenja se i glasi:

„Član 46

(Saglasnost Skupštine)

- (1) Najkasnije u roku od osam dana od prijema rang-liste uz obavezujuću preporuku iz člana 44 ovog zakona, gradonačelnik rang-listu uz obavezujuću preporuku dostavlja Skupštini Distrikta na davanje saglasnosti.
- (2) Ukoliko gradonačelnik ne uputi rang-listu uz obavezujuću preporuku Skupštini u roku iz stava 1 ovog člana, Nezavisni odbor rang-listu uz obavezujuću preporuku u roku od osam dana od dana isteka roka iz stava 1 ovog člana dostavlja Skupštini Distrikta na davanje saglasnosti.
- (3) Skupština Distrikta daje saglasnost za izbor i imenovanje prvorangiranog kandidata za šefa Policije odnosno zamjenika navedenog u obavezujućoj preporuci.“

Član 12

U članu 47 stav 1 mijenja se i glasi:

„(1) Gradonačelnik donosi odluku o imenovanju prvorangiranog kandidata za šefa Policije odnosno zamjenika navedenog u obavezujućoj preporuci u roku od osam dana od dana prijema saglasnosti Skupštine Distrikta.”

Iza stava 1 dodaju se novi stavovi 2 i 3 koji glase:

„(2) Postupak izbora i imenovanja šefa Policije i zamjenika provodi se u skladu s ovim zakonom.

(3) Prilikom izbora i imenovanja šefa Policije i zamjenika supsidijarno se primjenjuju odredbe Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine.”

Dosadašnji stavovi 2, 3 i 4 postaju stavovi 4, 5 i 6.

Član 13

Iza člana 48 dodaje se novi član 48a koji glasi:

„Član 48a

(Nespojivost sa službenim dužnostima)

- (1) Šef Policije i zamjenik ne mogu zauzimati položaj, vršiti funkciju ili aktivnost nespojivu s njihovim službenim dužnostima, a posebno:
 - a) ne mogu biti nosioci niti kandidati za bilo kakvu javnu funkciju;
 - b) ne mogu obavljati nikakvu dodatnu aktivnost uz naknadu, osim uz odobrenje gradonačelnika;
 - c) ne mogu biti članovi političke stranke niti slijediti uputstva političkih stranaka.
- (2) Šefu Policije i zamjeniku prestaje radni odnos kada se prijave kao kandidati za izbornu javnu funkciju ili od trenutka kad su imenovani na položaj unutar bilo kojeg organa vlasti u BiH u skladu s odredbom stava 1 tačke a) ovog člana, osim u slučaju imenovanja na poziciju rukovodioca i zamjenika rukovodioca policijskih organa u BiH.
- (3) Šef Policije i zamjenik, nakon imenovanja, u skladu s ovim zakonom daju informacije o funkcijama i djelatnostima koje vrše oni i članovi njihove uže porodice, kao i podatke o imovini kojom oni ili članovi njihove uže porodice raspolažu.
- (4) Članovi uže porodice, u smislu stava 3 ovog člana, jesu bračni ili vanbračni drug šefa Policije ili zamjenika, njihovi srodnici po krvi u pravoj liniji, usvojitelj i usvojenik, staratelj i šticećenik te djeteta bračnog druga (pastorak).
- (5) Svi podaci iz stava 3 ovog člana pohranjuju se u kadrovskoj evidenciji Policije u skladu sa zakonom i podzakonskim aktima o zaštiti ličnih podataka.“

Član 14

U članu 50 tačka d) mijenja se i glasi:

„d) su pravosnažno osuđeni za krivično djelo osim krivičnog djela iz oblasti sigurnosti saobraćaja počinjenog iz nehata“.

Član 15

Iza člana 61 dodaju se novi članovi 61a i 61b koji glase:

„Član 61a

(Kadrovski poslovi)

Kadrovske poslove iz oblasti radno-pravnih odnosa i poslova vođenja personalne evidencije, koje je za zaposlenike Policije izvršavalo Pododjeljenje za ljudske resurse, vrši Jedinica za administrativno-finansijske i kadrovske poslove Policije, osim prijave i odjave zaposlenih na penzijsko i zdravstveno osiguranje.

Član 61b
(Personalna evidencija)

- (1) Evidencije i dosjee o zaposlenicima Policije vodi Policija.
- (2) Informacije iz evidencije i dosjea zaposlenika Policije se čuvaju u skladu sa Zakonom o zaštiti ličnih podataka.
- (3) Uvid u personalni dosje zaposlenika Policije imaju zaposleni u Jedinici za administrativno-finansijske i kadrovske poslove, o čemu se donosi posebno rješenje.
- (4) Pravo uvida u personalni dosje zaposlenika Policije ima:
 - a) upravni inspektor u skladu s njegovim nadležnostima;
 - b) nadležni organi, prilikom vršenja svojih poslova u skladu sa zakonom.
- (5) Uvid u personalni dosje zaposlenika Policije vrši se uz prisustvo zaposlenih u Jedinici za administrativno-finansijske i kadrovske poslove Policije, o čemu se vodi posebna evidencija.
- (6) Na zahtjev zaposlenika Policije o podacima o kojima se vodi službena evidencija, Policija izdaje uvjerenja i potvrde.
- (7) Sadržaj i način vođenja personalne evidencije utvrđuje se podzakonskim aktom koji donosi šef Policije.“

Član 16

U članu 64 stavu 2 iza riječi: „daje“ dodaje se riječ: „neposredno“, a riječ: „osnovnom“ briše se.

Član 17

Član 66 mijenja se i glasi:

„Član 66
(Posebna novčana naknada)

- (1) Državni službenici i namještenici raspoređeni na specifičnim radnim mjestima koja zahtijevaju visok stepen stručnosti, odgovornosti u odlučivanju i visok stepen nezavisnosti u oblastima značajnim za efikasan rad Policije, imaju pravo na posebnu novčanu naknadu.
- (2) Visina posebne naknade iz stava 1 ovog člana utvrđuje se u skladu s odredbama Zakona o platama i naknadama zaposlenih u Policiji Brčko distrikta Bosne i Hercegovine.“

Član 18

Član 67 mijenja se i glasi:

„Član 67
(Principi saradnje)

- (1) S ciljem ostvarivanja poslova iz člana 12 ovog zakona Policija ostvaruje saradnju s organima Bosne i Hercegovine, entitetskim organima, organima Brčko distrikta BiH, drugim organima i organizacijama, kao i međunarodnim agencijama za provođenje zakona i agencijama za provođenje zakona svih nivoa u BiH.
- (2) Saradnja iz stava 1 ovog člana ostvaruje se u skladu s ovim zakonom, Zakonom o zaštiti ličnih podataka, Zakonom o Agenciji za identifikacione dokumente, evidenciju i razmjenu podataka Bosne i Hercegovine, Zakonom o pravnoj pomoći i službenoj saradnji u krivičnim stvarima između Federacije Bosne i Hercegovine, Republike Srpske i Brčko distrikta Bosne i Hercegovine i drugim relevantnim zakonima.“

Član 19

Član 68 mijenja se i glasi:

„Član 68

(Način ostvarivanja saradnje)

- (1) Saradnja iz člana 67 ovog zakona zasniva se na uzajamnoj saradnji i ostvaruje se putem kontakata, sporazuma, ugovora, protokola, razmjene informacija od zajedničkog interesa, uspostavljanjem, održavanjem i razvijanjem cjelovitog i funkcionalnog sistema komunikacija i razvojem programa za združene istražne radnje.
- (2) Policija neposredno ostvaruje međunarodnu saradnju.
- (3) Policija neposredno saraduje s organima BiH nadležnim za poslove sigurnosti, Ministarstvom unutrašnjih poslova Republike Srpske, Ministarstvom unutrašnjih poslova FBiH, ministarstvima unutrašnjih poslova kantona i vrši međusobnu razmjenu podataka, obavještenja i informacija iz svoje nadležnosti.
- (4) Policija uspostavlja sistem prikupljanja podataka u vezi s kriminalom i policijskim mjerama preduzetim na njegovom sprečavanju.
- (5) Policija koordinira sistem prikupljanja podataka s organima iz stava 3 ovog člana, a s ciljem prikupljanja i poređenja statističkih podataka.”

Član 20

U članu 77 stavu 1 tački a) riječi: „stava 3” zamjenjuju se riječima: „stava 5”.

Iza tačke f) dodaje se nova tačka g) koja glasi:

„g) sadržaj i način vođenja personalne evidencije, član 61b stava 7 ovog zakona.”

Član 21

Član 78 mijenja se i glasi:

„Član 78

(Status Nezavisnog odbora)

Članovi Nezavisnog odbora imenovanog u skladu s propisima koji su bili na snazi prije stupanja na snagu ovog zakona, uključujući i članove iz reda Pravosudne komisije Distrikta, ostaju članovi Nezavisnog odbora do isteka svog mandata.“

Član 22

Član 79 mijenja se i glasi:

„Član 79

(Status šefa Policije i zamjenika)

Šef Policije i zamjenik koji su imenovani u skladu s propisima koji su bili na snazi prije stupanja na snagu ovog zakona, ostaju na toj poziciji do isteka svog mandata.“

Član 23

Iza člana 80a dodaje se novi član 80b koji glasi:

„Član 80b

(Preuzimanje kadrovskih poslova)

Izvršavanje kadrovskih poslova iz člana 61a ovog zakona, u skladu s ovim zakonom, preuzima Policija nakon što se osiguraju finansijske, kadrovske i materijalne pretpostavke za izvršavanje ovih poslova, a najkasnije do 31. 12. 2019. godine.”

Član 24

Iza člana 81 dodaje se novi član 81a koji glasi:

**„Član 81a
(Prečišćeni tekst)**

Zadužuje se Zakonodavna komisija Skupštine Brčko distrikta BiH da utvrdi prečišćeni tekst Zakona o Policiji Brčko distrikta Bosne i Hercegovine u roku od 90 dana od dana objavljivanja ovog zakona u Službenom glasniku Brčko distrikta BiH.”

Član 25

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-641/19
Brčko, 12. 6. 2019. godine

**PREDSJEDNIK
SKUPŠTINE BRČKO DISTRIKTA BiH**

Esed Kadrić